

Umsögn um Frumvarp til laga um sviðslistir

Pingskjal 305 - 276. mál

Sendandi: Samtök um Danshús – Dansverkstæðið

Reykjavík 5. nóvember 2019

Almennt um lagafrumvarpið

Það er fagnaðarefni að ný sviðslistalög nái yfir starfsemi Íslenska dansflokksins og staða dansflokksins þannig betur tryggð til framtíðar. Af lögunum er ljóst að lítið er svo á að Íslenski dansflokkurinn sé að flestu leiti sambærileg stofnun við Þjóðleikhúsið, þar sem önnur stofnunin sinnir fyrst og fremst danslist en hin leiklist. Vonandi verður þessi lagabreyting til þess að Íslenska dansflokknum verði sem fyrst búin viðunandi vinnuaðstaða og eru þar húsnæðismálin brýnasta úrlausnarefnið.

Dansverkstæðið fagnar því að margar af okkar athugasemdum við frumvarpið sem lagt var fram vorið 2019 hafa verið teknar til greina. 17. grein er hins vegar því miður enn óbreytt frá þeim frumvarpsdrögum sem lögð voru fram vorið 2019.

Í 17. grein frumvarps að sviðslistalögum er fjallað um sviðslistasjóð og ýmsar breytingar gerðar frá núverandi starfsemi sjóðsins. Frumvarpið gerir ráð fyrir að setja í einn sjóð fjárveitingar til atvinnufólks og áhugafólks í sviðslistum. Gjörólíkar forsendur eru fyrir úthlutun til atvinnufólks og áhugafólks í sviðslistum. Þegar atvinnufólk á í hlut er lítið til faglegra gæða verkefnisins og frampróunar í sviðslistum. Við úthlutanir til áhugahópa eru önnur sjónarmið, eins og að halda uppi menningarstarfsemi um land allt og möguleikar almennings til þátttöku, ekki síður mikilvæg. Því er lagst gegn því að færa úthlutun til atvinnufólks og áhugafólks í sviðslistum undir einn hatt.

Orðalag 17. greinar frumvarps til sviðslistalaga er með þeim hætti að margvísleg sviðslistastarfsemi getur fallið undir starfssvið sjóðsins, þ m t hátíðir og alls kyns kynningarstarf. Miðað við þær upphæðir sem hingað til hafa verið til úthlutunar úr sviðslistasjóði er lítið svigrúm til að fjölga styrkþegum. Styrkir til hátíða eða annars konar verkefna munu því verða á kostnað einstakra verkefna listamanna, sem nú þegar eru aðþrengd.

Það sem vantar í lögin er að þau endurspegli einhvers konar stefnumótun varðandi verkefni og viðburði sem ná yfir lengri tíma, s s hátíðir sem eru árviss viðburður, styrkir við tengslanet listamanna eða þróunarverkefni og rannsóknir í sviðslistum. Núverandi styrkjaumhverfi gerir sjálfstætt starfandi sviðslistafólki erfitt að byggja upp starfsferil, því það er ekkert rými fyrir langtímahugsun og skipulag sem nær yfir lengri tíma. Á miðjum aldri hverfa margir listamenn til annarra starfa því uppbygging starfsumhverfis sjálfstætt starfandi sviðslistafólks mætir engan veginn þeirra þörfum.

Það er afar mikilvægt skref í rétta átt að í nýju sviðslistalögum eru lögð drög að stofnun Kynningarmiðstöðvar sviðslista. Mikil þörf er á slíkri miðstöð og mörg alþjóðleg tækifæri í sviðslistum tekst ekki að nýta í dag vegna skorts á stuðningi við kynningarstarf og útrás sviðslista. Vonandi verður fljótt tekin formleg ákvörðun um stofnun Kynningarmiðstöðvar sviðslista og miðstöðinni veitt aðstaða og fjármagn til að geta sinnt sínu hlutverki af reisu, sviðslistum á Íslandi til hagsbóta.

Einnig er ánægjuefni að í nýju lögunum birtist vilji til að skjóta styrkari stoðum undir óperustarfsemi á Íslandi.

Breytingartillögur

IV. kafli

Tillaga að breytingu á 17. grein um sviðslistasjóð. Úrfelling á texta er ~~yfirstrikuð~~. Viðbót í texta er **feitlettruð**. 17. grein verði svohljóðandi:

17. grein. Sviðslistasjóður

Hlutverk sviðslistasjóðs er að **efla starfsemi atvinnuhópa og einstaklinga í íslenskum sviðslistum**. Íslenskar sviðslistir og kosta önnur verkefni sem falla undir hlutverk og starfsemi á sviði sviðslista. Sjóðurinn skiptist í tvær deildir, deild atvinnuhópa og deild áhugahópa í sviðslistum. Sviðslistaráð gerir tillögur til ráðherra um stefnu og helstu áherslur í starfi sjóðsins til þriggja ára. Ráðherra setur sviðslistasjóði reglur um auglýsingar meðferð umsókna og afgreiðslu þeirra. Við mat á umsóknum úr sviðslistasjóði er sviðslistaráði heimilt að leita umsagnar fagaðila. Þóknun fulltrúa í sviðslistaráði og annar kostnaður af starfsemi ráðsins greiðist úr sviðslistasjóði. Ákvarðanir sviðslistaráðs eru endanlegar á stjórnarsýslustigi og sæta ekki kærui til ráðherra.

Tillaga að breytingu á 18. grein um Kynningarmiðstöð sviðslista. Úrfelling á texta er ~~yfirstrikuð~~. Viðbót í texta er **feitlettruð**. 18. grein verði svohljóðandi:

18. grein. Kynningarmiðstöð sviðslista

Ráðherra ~~hefur heimild til~~ **skal** fela þar til bærum aðila að kynna íslenskar sviðslistir hér á landi og erlendis og efla alþjóðlegt samstarf íslenskra sviðslistamanna og stofnana.

Ekki eru gerðar frekari breytingartillögur við frumvarp til laga um sviðslistir.

Virðingarfyllst

f h Dansverkstæðisins

Ólöf Ingólfssdóttir

verkefnastjóri